



FONDACIJA  
ZA BIBLIOTEČKU  
DJELATNOST  
SARAJEVO

Broj: 02-8/10

Datum: 4. 1. 2010. godine

Na osnovu člana 9. Pravilnika o procedurama i kriterijima za izbor korisnika sredstava Fondacije za bibliotečku djelatnost u Sarajevu broj: 02-121/08 i 02-6/10 i Odluke o raspisivanju Konkursa za izbor korisnika sredstava Fondacije za bibliotečku djelatnost za 2010. godine broj: 02-7/09 od 4. 1. 2009. godine, Upravni odbor Fondacije za bibliotečku djelatnost raspisuje

**KONKURS/NATJEČAJ**  
**za izbor korisnika sredstava**  
**Fondacije za bibliotečku djelatnost za 2010. godinu**

**I - PREDMET KONKURSA/NATJEČAJA**

Predmet Konkursa/Natječaja je prikupljanje prijava i izbor korisnika sredstava Fondacije za bibliotečku djelatnost (u daljem tekstu: Fondacija) za 2010. godinu.

**II - OBLASTI U OKVIRU KOJIH ĆE SE VRŠITI IZBOR KORISNIKA SREDSTAVA**

1. Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2009. godini, radi popunjavanja knjižnog fonda biblioteka na području Federacije Bosne i Hercegovine novim naslovima
2. Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige

**III – KRITERIJI ZA ODABIR KORISNIKA SREDSTAVA**

Odabir programa i projekata vršit će se u skladu sa usvojenim općim i posebnim kriterijima.

**Opći kriteriji:**

- kvaliteta programa ili projekta, potvrđen status i značaj;
- funkcionalna i ekonomska opravdanost ;
- nastavak realizacije započetih projekata;
- ravnomjerna regionalna i nacionalna zastupljenost;
- podrška programima i projektima koji imaju potporu lokalne zajednice;
- podrška programima i projektima koji imaju osigurano sufinansiranje;
- broj sudionika i širina prostora djelovanja;
- doprinos promociji i afirmaciji bosanskohercegovačke kulture i kulturnih identiteta;
- doprinos jačanju nacionalne i vjerske tolerancije;
- samoodrživost kandidiranih projekata i programa.

## **Posebni kriteriji:**

### **1. Posebni kriteriji za oblast *Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2009. godini, radi popunjavanja knjižnog fonda biblioteka na području Federacije Bosne i Hercegovine novim naslovima:***

- povijesna, znanstvena, kulturna i tradicijska vrijednost knjige;
- pouzdanost i ugled izdavača;
- društveni, književni ili stručni autoritet autora;
- nagrađivanost knjige;
- afirmativan prijem knjige u javnosti;
- prve knjige talentiranih mladih autora.

### **2. Posebni kriteriji za *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige***

#### **a) Posebni kriteriji za *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka:***

- potreba korisnika i zaposlenih za informatičkom opremom;
- umrežavanje u COBISS sistem;
- nedovoljna tehnička opremljenost biblioteke;
- nedostatak polica za knjige.

#### **b) Posebni kriteriji za *Stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige:***

- prezentiranje inovacija u bibliotečkoj djelatnosti;
- organizovanje seminara i manifestacija iz domena bibliotečke djelatnosti sa već ostvarenom tradicijom;
- objedinjavanje i koordiniranje bibliotečkog rada na području Federacije BiH;
- sudjelovanje u popularizaciji i propagandi knjige.

## **IV - PRAVO UČEŠĆA**

1. Pravo podnošenja prijave na Konkurs za oblast *Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2009. godini, radi popunjavanja knjižnog fonda biblioteka na području Federacije Bosne i Hercegovine novim naslovima* imaju pravne osobe registrirane na području Federacije Bosne i Hercegovine i fizičke osobe sa stalnim mjestom boravka u Federaciji Bosne i Hercegovine ukoliko apliciraju sa vlastitim izdanjem.

2. Pravo podnošenja prijave na Konkurs za oblast *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige* imaju pravne osobe registrirane na području Federacije Bosne i Hercegovine.

## V - NAČIN ODABIRA KORISNIKA SREDSTAVA

Način odabira korisnika sredstava utvrđen je Pravilnikom o procedurama i kriterijima za izbor korisnika sredstava Fondacije za bibliotečku djelatnost broj 02-121/08 i 02-6/10.

## VI - SADRŽAJ PRIJAVE ZA UČEŠĆE

Obavezna dokumentacija :

1. Popunjen Prijavni list (pravna i fizička lica)
2. Popunjeni Obrasci 1a, 2 i 3 za oblast II-1 ovog Konkursa, odnosno obrasci 1b, 2 i 3 za oblast II-2 ovog Konkursa (pravna i fizička lica)
3. Rješenje o registraciji (pravna lica)
4. Uvjerenje o poreznoj registraciji - ID broj (pravna lica)
5. Ovjerenjena kopija lične karte i prijava mjesta boravka (fizička lica)
6. Ugovor s bankom ili potvrda od banke o otvaranju računa (pravna i fizička lica)
7. Bilans stanja i uspjeha za 2009. godinu sa pečatom Agencije za finansijske, informatičke i posredničke usluge (pravna lica)
8. Potvrda o sufinansiranju (ukoliko podnosilac ima takvu potvrdu)
9. Jedan primjerak naslova (za oblast pod rednim brojem 1. ovog Konkursa)
10. Izdavač mora priložiti odgovarajuće potpisani i ovjereni ugovor između izdavača i autora (za oblast pod rednim brojem 1. ovog Konkursa)
11. Potvrdu Agencije za ISBN NUBBiH (za oblast pod rednim brojem 1. ovog Konkursa)

Obavezna dokumentacija može biti dostavljena kao original (1, 2, 9 i 11), kopija (7) ili kopija sa ovjerom ne starijom od tri mjeseca od datuma objave konkursa (3, 4, 5, 6, 8 i 10).

## VII - VAŽNE NAPOMENE

### 1. Opće napomene:

- Upravni odbor Fondacije, odnosno službenici Fondacije, imaju pravo provjeriti dostavljene podatke.
- Upravni odbor nije dužan pojedinačno obrazlagati razloge nefinansiranja projekata.

### 2. Napomene za oblast Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2009. godini radi popunjavanja knjižnog fonda biblioteka na području Federacije Bosne i Hercegovine novim naslovima:

- Izdavači za svaku pojedinačnu knjigu-publikaciju koju ponude za otkup moraju dostaviti i potvrdu da su dostavili 10 (deset) obaveznih primjeraka Nacionalnoj i univerzitetskoj biblioteci Bosne i Hercegovine, kao i da knjiga-publikacija ima validan CIP, ISBN i ID broj. Potvrdu o navedenom će, bez naknade, izdavati Agencija za ISBN NUBBiH.

- Sva izdanja knjige-publikacije pisana na bosanskom, hrvatskom i srpskom jeziku pisana latiničnim i ćiriličnim pismom bit će ravnopravno tretirana.
- Izdavač može ponuditi za otkup samo ono izdanje knjige-publikacije koje je sam izdao (isključena su trgovinska posredovanja među izdavačima i knjižarskim distributivnim kućama).
- Radi zaštite autora i poštovanja autorskih prava (uključujući i prevodiocce djela), izdavač mora priložiti odgovarajuće potpisani i ovjereni ugovor između izdavača i autora.
- Ukoliko se radi o prijevodu djela s nekog od stranih jezika, u obzir će se uzeti samo ona djela koja imaju navedeno puno ime i prezime prevodioca.
- Ukoliko se na konkurs za otkup knjiga pojave iste knjige-publikacije od strane dva ili više izdavača koja udovoljavaju svim navedenim kriterijima, prednost za otkup dijela tiraža imat će onaj izdavač koji za svoje izdanje ponudi: 1. uvjerljiviji prijevod djela ako je riječ o prijevodu s nekog stranog jezika, 2. kvalitetniju opremu knjige i 3. povoljniju cijenu za svoje izdanje.

**3. Napomene za oblasti: Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige:**

- Korisnici sredstava imaju obavezu da Fondaciji dostave svu adekvatnu dokumentaciju kojom se dokazuje da su dodijeljena sredstva namjenski utrošena.
- Prijave korisnika koji nisu opravdali namjenski utrošak sredstava dodijeljenih prethodne dvije godine neće biti razmatrane.

## **VIII - DOSTAVLJANJE PRIJAVA**

Prijave na konkurs/natječaj, zajedno sa potrebnom dokumentacijom, podnose se **isključivo** na adresu: Fondacija za bibliotečku djelatnost, Obala Maka Dizdara broj 2, 71 000 Sarajevo, uz **obavezno** popunjene aplikacijske obrasce, koji se mogu preuzeti u prostorijama Fondacije za bibliotečku djelatnost, Obala Maka Dizdara broj 2, ili dobiti putem e-mail adrese: [finsa@bih.net.ba](mailto:finsa@bih.net.ba).

Rok za podnošenje prijava je 22. 2. 2010. godine do 16,00 sati.

Prijave sa pratećom dokumentacijom dostaviti u zatvorenoj koverti sa vidljivom naznakom „PRIJAVA NA KONKURS/NATJEČAJ“

Dokumentacija i prilozi koji budu dostavljeni za sudjelovanje u Konkursu/Natječaju neće se vraćati.

Nepotpune i neblagovremene prijave neće biti uzete u razmatranje.

Rezultati Konkursa/Natječaja bit će objavljeni u sredstvima javnog informiranja u roku od 60 dana od dana zatvaranja konkursa/natječaja.

PREDSJEDNIK  
UPRAVNOG ODBORA

Hadžem Hajdarević